



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1293/13
Sarajevo, 8.5.2013. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:	09-05-2013		
ORGANIZACIONA JEDINICA	KLASIFIKACIONI BROJ	HRANI	Broj prijave
01-50-1-15-43/13			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 49. sjednici održanoj 8.5.2013. godine, utvrdilo je Odgovor na zastupnička pitanja koja je postavila Nermina Zaimović Uzunović, zastupnica u Zastupničkom domu Parlamentarne skupštine Bosne i Hercegovine.

U privitku prosjeđujemo Odgovor radi njegovog dostavljanja zastupnici.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1293/13
Sarajevo, 8.5.2013. godine

Nermina Zaimović - Uzunović, poslanik u Predstavničkom domu Parlamentarne skupštine Bosne i Hercegovine, na 43. sjednici Predstavničkog doma Parlamentarne skupštine, održanoj 28. februara 2013. godine, postavila je sljedeća poslanička pitanja:

1. Zašto je prekinut i kada će biti nastavljen planirani rad u okviru projekta EnviS od strane Republike Srpske koji je od interesa za državu tako i za entitete?

2. Koje su posljedice za dobijanje narednih projekata iz IPA fondova i jačanje strukture za privlačenje sredstava za rješavanje problema okoliša ukoliko se ne implementira EnviS projekat i ne izgradi institucionalna podrška za prihvatanje *acquis-a* iz oblasti okoliša? Poznato je da gotovo trećina cjelokupnog *acquis communautaire* se odnosi na zakonodavstvo iz oblasti okoliša.

3. U slučaju da se ne nastavi projekat EnviS kako institucije entiteta, Brčko Distrikta i Ministarstva vanjske trgovine i ekonomskih odnosa BiH planiraju da organiziraju prihvatanje *acquis-a* iz oblasti okoliša?

Na poslanička pitanja, Vijeće ministara Bosne i Hercegovine je na 49. sjednici održanoj 8.5.2013. godine, utvrdilo sljedeći

ODGOVOR

1. Zašto je prekinut i kada će biti nastavljen planirani rad u okviru projekta EnviS od strane Republike Srpske koji je od interesa za državu tako i za entitete?

Projekat tehničke pomoći Bosni i Hercegovini IPA 2008 «Jačanje institucija za zaštitu životne sredine/okoliša u Bosni i Hercegovini i priprema za pretprijetne fondove», skraćeno nazvan EnviS krenuo je sa implementacijom 14. novembra 2011. godine. Planirani period implementacije je bio 2 godine. U skladu sa Projektnim zadatkom Konzultant je u početnom periodu implementacije izvršio sve planirane pripremne aktivnosti i izradio prvi nacrt Početog izvještaja kojeg je 29. februara 2012. godine dostavio Delegaciji EU i svim korisnicima, odnosno članovima Upravnog odbora projekta. Početni izvještaj je trebao biti predstavljen i razmatran na sastanku Upravnog odbora projekta, 21. marta 2012. godine, te zvanično odobren od strane Delegacije EU, da bi se moglo početi sa implementacijom projektom planiranih aktivnosti.

Prvi nacrt Početnog izvještaja nije razmatran na sastanku Upravnog odbora i nije mogao biti odobren od strane Delegacije EU zbog Zaključka Vlade Republike Srpske kojim se odbilo učešće institucija RS u svojstvu korisnika u aktivnostima projekta. Pomenuti Zaključak Vlade Republike

Srpske o povlačenju institucija RS kao projektnih korisnika iz projekta (iz razloga što) «aktivnosti koje su njim predviđene nisu u skladu sa Ustavom BiH i ustavima entiteta i ovlaštenjima nadležnih institucija na zajedničkom i entitetskom nivou, te ne odgovaraju realnim potrebama institucija Republike Srpske u predmetnoj oblasti u sadašnjoj fazi procesa pridruživanja Evropskoj uniji». Prolongirao je implementaciju projekta. Zvanično mišljenje Delegacije EU je bilo, da su projektne aktivnosti potpuno u skladu sa postojećim pravnim okvirima u Bosni i Hercegovini i odgovaraju trenutnim potrebama nadležnih institucija.

Šestog juna 2012. godine, Delegacija EU je odlučila i obavijestila ministra vanjske trgovine i ekonomskih odnosa, da će implementacija projekta biti nastavljena sa korisnicima na nivou države, Federacije BiH i Brčko Distrikta, dok će biti nastavljeni i razgovori sa institucijama RS, kako bi se našlo zajedničko rješenje nastalog problema. Delegacija EU je takođe zatražila od Konsultanta da, u skladu sa ovom odlukom, izmjeni Početni izvještaj, te da Projektni plan rada prilagodi vremenskom periodu od preostalih 14 mjeseci implementacije projekta.

Konzultant je pripremio drugi nacrt Početnog izvještaja, uz prilagođavanje Projektnog plana rada i projektnih aktivnosti preostalom vremenu za period implementacije projekta, u trajanju od 14 mjeseci, uzevši u obzir pretpostavku, da bi faza implementacije projekta mogla početi 1. septembra 2012. godine. Obzirom da nije bilo realno provesti sve projektne aktivnosti, kako je bilo prethodno planirano u prvom nacrtu Početnog izvještaja, postignut je dogovor između Delegacije EU i Konsultanta da revidirani Ukupni operativni plan treba uglavnom biti usmjeren na one projektne aktivnosti, putem kojih bi se korisnicima pružila podrška za upostavljanje koordinacijskih struktura, pripremu Strategije usklađivanja propisa sa pravnom stečevinom EU o okolišu uz četiri plana za provođenje direktiva, pripremu baze podataka o projektima Bosne i Hercegovine (*BiH environmental project pipeline*), te pripremu strategije za poboljšanje sistema za informisanje i izvještavanje o okolišu u BiH. Prerađeni Početni izvještaj dostavljen je Delegaciji EU 30. juna 2012. godine, te je predstavljen i razmatran na sastanku Upravnog odbora projekta, održanom 12. jula 2012. godine, ali bez prisutnih članova Upravnog odbora iz Republike Srpske. Na zahtjev Republike Srpske, nacrt revidiranog Početnog izvještaja je bio preveden i na lokalne jezike i dostavljen RS kako bi bili dati komentari. Očekujući komentare iz Republike Srpske Delegacija EU je 27. septembra 2012. godine uslovno odobrila revidiranu verziju drugog Početnog izvještaja, uz zahtjev da se projektno planiranje prilagodi, tokom narednog perioda, ukoliko uslovi, koji su van uticaja projekta, dozvole uključivanje predstavnika iz Republike Srpske u projekat. U skladu sa uslovno odobrenim Početnim izvještajem, period od 1. septembra do 30. novembra 2012. godine zvanično je smatran prvim periodom faze implementacije projekta.

Pošto nije bilo zvaničnih komentara od strane institucija Republike Srpske, Delegacija EU je 28. novembra 2012. godine sa posebnim pismom dodatno obavjestila Ministarstvo za ekonomske odnose i regionalnu saradnju Republike Srpske o izvršenim izmjenama u drugom nacrtu Početnog izvještaja. Ministarstvo za ekonomske odnose i regionalnu saradnju Republike Srpske je Delegaciji EU odgovorilo sa pismom od 17. decembra 2012. godine u kojem je navelo nekoliko dodatnih primjedbi na drugi nacrt Početnog izvještaja i predložilo zajednički sastanak sa Delegacijom EU i Konzultantom kako bi se iznašla rješenja za sva otvorena pitanja vezana za projekat. Na osnovu zaključaka sa sastanka koji je bio održan u Banja Luci 20. decembra 2012. godine pripremljena je treća verzija Početnog izvještaja, koja je bila i prevedena na lokalne jezike i poslata korisnicima projekta u razmatranje. Svi korisnici projekta EnvIS su bili pozvani da uzmu učešće na sastanku koji će biti organizovan 23. aprila 2013. godine u prostorijama Delegacije Evropske unije. Na sastanku će biti predstavljen izmjenjen nacrt Početnog izvještaja sa izmjenjenim planom projektnih aktivnosti. Ukoliko bude postignuta saglasnost oko predloženog plana aktivnosti, projekat bi mogao da se nastavi u maju 2013. godine. Zbog velikog kašnjenja planiranih projektnih aktivnosti više nije moguće izvršiti ih do zvaničnog završetka projekta, pa će se morati od Delegacije EU tražiti produženje projekta od najmanje 12 mjeseci.

2. Koje su posljedice za dobivanje narednih projekata iz IPA fondova i jačanje strukture za privlačenje sredstava za rješavanje problema okoliša ukoliko se ne implementira EnvIS projekat i ne izgradi institucionalna podrška za prihvatanje *acquis-a* iz oblasti okoliša? Poznato je da gotovo trećina cjelokupnog *acquis communautaire* se odnosi na zakonodavstvo iz oblasti okoliša.

Projekat EnvIS je od naročitog značaja za finasiranje narednih projekata iz IPA II fondova i jačanje struktura za povlačenje sredstava za rješavanje problema okoliš u Bosni i Hercegovini. Ukoliko se ne implementiraju ključne aktivnosti EnvIS projekta kroz koje će se izraditi Nacrt Strategije usklađivanja propisa sa pravnom stečevinom EU, Nacrt Politike zaštite okoliša, Nacrti Planova za provođenje četiri EU direktive u BiH. Baza podataka o projektima iz oblasti okoliša u BiH za sufinansiranje iz IPA II programa i izvrši potrebna obuka kadrova za pripremu projekata, Bosna i Hercegovina neće biti u mogućnosti da pripremi osnovni programski dokument koji traži Evropska unija kao preduslov za korišćenje IPA II sredstva u oblasti okoliša za period od 2014.-2020. godine. Zbog sličnih razloga Bosna i Hercegovina je već ostala bez IPA sredstava u oblasti okoliša za 2012. i 2013. godinu.

3. U slučaju da se ne nastavi projekat EnvIS kako institucije entiteta, BD i MVTEO planiraju da organiziraju prihvatanje *acquis-a* iz oblasti okoliša?

Svjesni važnosti ovog projekta za ispunjavanje zahtjevnih obaveza iz Sektora okoliša (ukupno 30% *acquis communautaire*) nastalih potpisivanjem Ugovora o stabilizaciji i pridruživanju u EU, Ministarstvo vanjske trgovine i ekonomskih odnosa je preduzelo niz aktivnosti na prevazilaženju problema, postizanja dogovora za rješavanje nesuglasica u cilju nastavka implementacije projekta, što je i dalo određene rezultate.